

1584

*Paulus
Contareus
legatus in
continenti
eligitur.*

*Avocadri
profectione
quies resti-
tuta.*

*Navigium
Venetum ab
Uscobis
captum.*

ronensi agro ejus ductu, caedes fieri; vi ac rapinis in innoxios faviri; quidquid mente efferata, atque impia manu effici posset, perpetrari nuntiabatur. Ad invalescentis hujusce incendii flammam extinguendas varia, minore fructu quam expectatione, remedia adhibita sunt; cum tandem Senatus, ne virus majora incrementa sumeret, quinto nonas junii legatum in continentem, qui auctoritate & vi extorres excindere ac prorsus tollere niteretur, mittendum statuit. Paulus Contareus lectus; ei imperium in praesidiariorum atque ordinum milites tributum; trecenti externi pedites adlecti; equitatus omnis tum gravioris tum levioris armaturae, qui publicis stipendiis alitus, adjectus; ad haec centum Epirotae equites, quorum quinquaginta ultra Mincium amnem, totidem citra, opera uteretur. Et quoniam detestando huic hominum generi ad Castulonis, & Jusfredi oppida, quae Gonzagae familiae Dominis obtemperant, vel situs opportunitate, vel brevi ac facillima post delicta perpetrata sese condendi facultate, tutum receptum esse afferebatur, Contareno iussu, Senatus nomine oppidorum Dominis significaret, ne ulla ratione accessum extorribus consceleratisque hominibus ad sua loca praerent; si secus faciant, necessitate adauctum, uti magis Reipublicae dignitatis interesse existimasset, consulturum. Contareus igitur in continentem profectus, qua auctoritate, qua vi, qua terrore brevi ita effecit, ut complures morte plecterentur, alii ad carceres traducti dignas meritis ad reliquorum exemplum poenas darent; inter quos Franciscus Bertazzolius, Salodiensis, Avocadri afflecla, omniumque scelerum particeps, captus, ultimo supplicio affectus est; bona fisco adjudicata; complanatae aedes. Octavius vero cum praecisam sibi ulterius sua scelera provehendi viam intelligeret, Florentiam abiit; pacatisque continentis rebus, Contareus in patriam reversus, haud multos post dies morbo correptus, summo totius civitatis dolore interiit.

Sub id fere tempus Uscochi quadringenti Francisci Prodi Bracchiensis navigium multis tum Christianorum, tum aliarum gentium, ac Turcarum praesertim onustum mercibus, in quo Turcae aliquot erant, Narentam amnem myoparonibus ingressi intercipiunt, exuunt, ex Turcis viginti interficiunt.

Nun-